

REGIONAL NEWS UNIT
ALL INDIA RADIO, AGARTALA
Date: 08-04 -2026
Time: 07:35-07:40 AM Hrs
BENGALI MORNING BULLETIN

Election:

অসম, কেৰালম ও পুদুচেৰী বিধানসভা নিৰ্বাচনেৰ সঙ্কে, ত্ৰিপুৱাৰ ধৰ্মনগৰ বিধানসভা উপ-নিৰ্বাচনে ভোট গ্ৰহন আগামীকাল। অসম বিধানসভায় ১২৬টি আসনে, কেৰালম বিধানসভাৰ ১৪০টি আসনে এবং পুদুচেৰী বিধানসভাৰ ৩০টি আসনেৰ জন্ম ভোট নেওয়া হবে।

গতকাল বিকেলে এইসব আসনেৰ নিৰ্বাচনী সব প্রচাৰেৰ অবসান হয়।

Bye Election :

ধৰ্মনগৰ বিধানসভা কেন্দ্ৰেৰ উপনিৰ্বাচনেৰ সব প্রচাৰ গতকাল বিকেল ৫টায় শেষ হয়েছে। আগামীকাল সকাল ৭টা থেকে বিকাল ৫টা পর্যন্ত ভোট গ্ৰহণ করা হবে। রিটার্নিং অফিসাৰ দেবযানী চৌধুৰী গতকাল জানিয়েছেন, নিৰ্বাচন দপ্তৰ ভোটগ্ৰহনেৰ জন্ম সব ধৰণেৰ প্রস্তুতি গ্ৰহণ করেছে। কড়া নিৰাপত্তাৰ মধ্য দিয়ে মোট ৫৫টি ভোট কেন্দ্ৰে ভোটগ্ৰহণ করা হবে। এই উপনিৰ্বাচনে প্রতিদ্বন্দ্বিতায় রয়েছেন ৬ জন প্রার্থী। তারা হলেন বিজেপি'র জহর চক্রবৰ্তী, জাতীয় কংগ্ৰেসেৰ চয়ন ভট্টাচাৰ্য, সি.পি.আই(এম)-এৰ অমিতাভ দত্ত, আমরা বাঙালী দলেৰ বিভাস রঞ্জন দাস, এস.ইউ.সি.আই-এৰ সঞ্জয় চৌধুৰী এবং নিৰ্দল প্রার্থী ব্ৰজলাল দেবনাথ। ধৰ্মনগৰ বিধানসভা কেন্দ্ৰেৰ মোট ভোটাৰ রয়েছেন ৪৬ হাজার ১৪২

জন। এর মধ্যে মহিলা ভোটার ২৩ হাজার ৭৫৮ জন এবং পুরুষ ভোটার ২২ হাজার ৩৮৪ জন। সার্ভিস ভোটার রয়েছেন ৯১ জন।

এই উপ-নির্বাচনে আদর্শ ভোট কেন্দ্র রয়েছে ১১টি। মহিলা পরিচালিত ভোট কেন্দ্র ১১টি, দিব্যাঙ্গজন পরিচালিত ভোট কেন্দ্র ২টি। তাছাড়া যুব- পরিচালিত ভোট গ্রহণ কেন্দ্র রয়েছে ২টি। আজ পি.এম.শ্রী ধর্মনগর সরকারি বালিকা উচ্চতর মাধ্যমিক বিদ্যালয় থেকে ভোটকর্মীরা, ভোট সামগ্রী নিয়ে ভোট কেন্দ্রের উদ্দেশ্যে রওনা হবেন।

এদিকে, ধর্মনগর বিধানসভা কেন্দ্রের ভোটারদের জন্য আগামীকাল সরকারি ছুটির দিন হিসেবে ঘোষণা করা হয়েছে। পাশাপাশি, আগামীকাল সকাল ৭টা থেকে ২৯শে এপ্রিল সন্ধ্যা ৬টা ৩০ মিনিট পর্যন্ত, কোন ধরনের এগজিট পোল প্রচার করা যাবে না। উল্লেখ্য, ধর্মনগর বিধানসভা কেন্দ্রের উপ-নির্বাচনের ভোট গণনা করা হবে আগামী চৌঠা মে সকাল ৮টা থেকে।

ADC-Election:

ত্রিপুরার এডিসি নির্বাচনে প্রচার পর্ব জোরদার হয়ে উঠেছে। আগামী ১২ই এপ্রিল এডিসি'র ২৮টি আসনে ভোট নেওয়া হবে। সব কয়টি আসনেই বহুমুখী প্রতিদ্বন্দ্বিতা হচ্ছে। প্রচারে সব দল অংশ নিয়েছে।

বিজেপি দলের হয়ে প্রচারে অংশ নিয়েছেন বিজেপি নেতা মুখ্যমন্ত্রী অধ্যাপক ডা: মানিক সাহা, বিজেপি সভাপতি সাংসদ রাজীব ভট্টাচার্য, সিপিআইএম দলের হয়ে প্রচারে অংশ নিয়েছেন বিরোধী দলনেতা জিতেন্দ্র চৌধুরী, তিপুরা মথা দলের প্রচারে অংশ নিয়েছেন দলের শীর্ষ নেতা প্রদ্যোৎ বিক্রম দেববর্মা। জাতীয় কংগ্রেসের হয়ে প্রচারে অংশ নিয়েছেন বিধায়ক সুদীপ রায় বর্মণ সহ অন্যান্য নেতৃত্ব।

ADC-Campaign :

মুখ্যমন্ত্রী অধ্যাপক ডাঃ মানিক সাহা গতকাল গোমতী জেলার অম্পিতে অম্পিনগর কেন্দ্রের বিজেপি প্রার্থী সৌদাগর কলইয়ের সমর্থনে এক জনসভায় বক্তব্য রাখেন। তিনি গতকাল তেলিয়ামুড়ার পাড়াকলক উচ্চ বিদ্যালয় মাঠে এডিসি'র মহারানীপুর-তেলিয়ামুড়া এবং মান্দাইনগর-পুলিনপুর কেন্দ্রের বিজেপি প্রার্থীদের সমর্থনে আয়োজিত জনসভায়ও বক্তব্য রাখেন।

বিজেপি রাজ্য সভাপতি তথা সাংসদ রাজীব ভট্টাচার্য গতকাল খলাই জেলার মানিকপুর বাজারে এডিসি'র ছাওমনু কেন্দ্রের বিজেপি প্রার্থী ইসমেল জয় ত্রিপুুরার সমর্থনে বক্তব্য রাখেন।

সি.পি.আই.এম রাজ্য সম্পাদক ও বিরোধী দলনেতা জিতেন্দ্র চৌধুরী গতকাল হেজামারায় সিমনা তমাকারি কেন্দ্রে বামফ্রন্ট প্রার্থী অমূল্য দেববর্মা এবং বোধজংনগর ওয়াকিনগর কেন্দ্রে বামফ্রন্ট প্রার্থী সঞ্জিত দেববর্মার সমর্থনে আয়োজিত জনসভায় বক্তব্য রাখেন।

এডিসি পূর্ব-মুহুরীপুর-ভুরাতলি আসনে বিজেপি প্রার্থী অভিজিৎ ত্রিপুুরার সমর্থনে গতকাল ঋষ্মুখ ব্লকের শিবপুর বাজারে আয়োজিত নির্বাচনী সভায় বক্তব্য রাখেন অর্থমন্ত্রী প্রণজিৎ সিংহ রায় প্রমুখ। পূর্ব-মুহুরীপুর-ভুরাতলি আসনে তিপ্রামথার প্রার্থী দেবজিৎ ত্রিপুুরার সমর্থনে পোয়াংবাড়িতে আয়োজিত জনসভায় বক্তব্য রাখেন তিপ্রামথা দলের প্রতিষ্ঠাতা প্রদ্যোৎ কিশোর দেববর্মা।

এডিসি'র মাছমারা কেন্দ্রে কংগ্রেস প্রার্থী অর্জুন রায়ের সমর্থনে উনকোটি জেলার মাছমারা বাজারে এক নির্বাচনী জনসভায় বক্তব্য রাখেন বিধায়ক সুদীপ রায় বর্মণ।

শিলাছড়ি-মনুবনকুল কেন্দ্রের সি.পি.আই.এম প্রার্থী উঁচাথই মগের সমর্থনে রুপাইছড়ি ব্লকের মহামনি ভিলেজের উথই মগ পাড়ায় অনুষ্ঠিত নির্বাচনী জনসভায় দলের দক্ষিণ জেলা সম্পাদক তাপস দত্ত প্রমুখ বক্তব্য রাখেন।

ADC-Postal Ballot :

এদিকে, আসন্ন এডিসি নির্বাচনের জন্য পোস্টাল ব্যালটে ভোট গ্রহণ গতকাল থেকে শুরু হয়েছে। আজ তা শেষ হবে।

সিপাহীজলা জেলাতে বিশালগড় মহকুমার অফিসটিলা এইচ.এস স্কুল ও জম্পুইজলা মহকুমার জম্পুইজলা এইচ.এস স্কুলের ৫টি ফ্যাসিলিটেশন সেন্টারে পোস্টাল ব্যালটে ভোট গ্রহণের ব্যবস্থা করা হয়েছে।

গোমতী জেলায় উদয়পুর কে.বি.আই স্কুলে, অমরপুরের বয়েজ স্কুল ও করবুকের মহকুমা শাসক অফিসে পোস্টাল ব্যালটে ভোট গ্রহণের জন্য ফ্যাসিলিটেশন সেন্টার খোলা হয়েছে।

খোয়াই জেলায় আশারাম বাড়ি-হালহালি ও রামচন্দ্রঘাট এই দুটি আসনে পোস্টাল ব্যালটে ভোট গ্রহণের জন্য খোয়াই-এর এস.ডি.এম অফিস প্রাঙ্গণে ফ্যাসিলিটেশন সেন্টার খোলা হয়েছে।

উনকোটি জেলাতেও কুমারঘাট উচ্চতর মাধ্যমিক বালিকা বিদ্যালয়ে তিনটি ফ্যাসিলিটেশন সেন্টার খোলা হয়েছে।

Bangladesh FM:

তিন দিনের ভারত সফরে বাংলাদেশের পররাষ্ট্রমন্ত্রী খলিলুর রহমান গতকাল সন্ধ্যায় নয়াদিল্লিতে পৌঁছেছেন। পররাষ্ট্র মন্ত্রণালয়ের মুখপাত্র রণধীর

জয়সওয়াল সামাজিক যোগাযোগ মাধ্যমে, খলিলুর রহমানকে স্বাগত জানিয়ে বলেন, তাঁর এই সফর ভারত-বাংলাদেশ অংশীদারিত্বকে আরও জোরদার করবে।

তাঁর এই সফরকালে খলিলুর রহমান পররাষ্ট্রমন্ত্রী ডঃ এস জয়শঙ্করের সঙ্গে আলোচনা করবেন। উল্লেখ্য, গত ফেব্রুয়ারি মাসে বিএনপি-নেতৃত্বাধীন সরকার ক্ষমতায় আসার পর এটিই কোনো বাংলাদেশি মন্ত্রীর প্রথম নয়াদিগ্লি সফর।

School-Admission :

শিক্ষা অধিকার আইন, ২০০৯ অনুসারে রাজ্যে বিদ্যালয় শিক্ষা দপ্তর অনুমোদিত বেসরকারি স্কুলগুলিতে, সম্পূর্ণ বিনামূল্যে প্রথম শ্রেণীতে ২৫ শতাংশ আসনে ভর্তি প্রক্রিয়া গত সোমবার থেকে শুরু হয়েছে। তা চলবে আগামী ৩০শে এপ্রিল পর্যন্ত। সংরক্ষিত এই আসনে ভর্তির সুযোগ পাবে অনাথ শিশু, তফসিলি উপজাতি, তফসিলি জাতি, বিশেষ চাহিদা সম্পন্ন শিশু, এইচআইভি-এইডস আক্রান্ত শিশু, শহীদদের সন্তান, যৌনকর্মীদের সন্তান, রূপান্তরকামী শিশু, চা বাগান ও পরিযায়ী শ্রমিকদের সন্তানগণও। এছাড়া, উপার্জনকারী পিতা-মাতা ও অভিভাবককে হারানো শিশুরাও এই ভর্তির সুযোগ পাবে।

T-20 Cricket:

ত্রিপুরা ক্রিকেট এসোসিয়েশন পরিচালিত সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতা আজ থেকে শুরু হচ্ছে। মোট তিনটি মাঠে প্রথম দিনে ৬টি খেলা হবে। আসরে ১৪টি ক্লাব অংশ নিয়েছে।

Weather :

আজ দুপুর পর্যন্ত আবহাওয়ার পূর্বাভাসে জানানো হয়েছে আকাশ সাধারণত মেঘলা থাকবে। বিক্ষিপ্তভাবে বজ্র বিদ্যুৎ সহ হালকা থেকে মাঝারি বৃষ্টিপাতের সম্ভাবনা রয়েছে। আগরতলা বিমানবন্দরে আজ ভোরে সর্বনিম্ন তাপমাত্রা ছিল ১৯.৮ ডিগ্রি সেলসিয়াস। গত ২৪ ঘন্টায় বৃষ্টিপাত ৩.৮ মিলিমিটার।
